

Puraha or ta ci=ye itak

- usa mosir un utar ukoytak pa kuni a=kar itak "Esuperanto" makanak an ya ka, eci=nure p ne ruwe ne. -

oripak turano ne yakka ci=ye ruwe ne.

c=utari anakne, Esuperanto ye utar naa poronno an kuni, usa mosir ta usa okay pe ci=ki oasi haw e tapan na. te ta ci=ye hi usa mosir un seihi or un utar neya kokusaisosiki un utar neya opitta pir kano ci=nure ka ki, te ta ci=ye hi nen poka an ayneno an kuni c=arikiki ka ki kusu ne. rapok ta, usa oka utar c=utari turano arikiki wa un=kore kuni ci=nisuk kusu ne.

Esuperanto anakne, 1887 pa ta a=kar itak ("a=numke easkay kuni itak") ne wa, newaanpe ani usa mosir un utar ukoytak easkay kuni a=ramu itak ne ruwe ne. okake ta, Esuperanto itak ipehe naa poronno pirkano oka wa, tane 1 seiki akkari utur ta, usa oka itak ye utar ka usa oka puri kor utar ka, ani etoko tuypa ka somo ki no ukoytak a ruwe ne. Esuperanto ye utar neno irawe hi anakne, tane ne yakka uneno an kuni ci=ramu. nen ne yakka oya itak ani wente ka somo ki no, pirkano ukoytak easkay kunine, sine itak or ta ci=ki rusuy hi ene oka hi; (newaanpe anakne, inan mosir un itak ne yakka wen kuni ci=ramu. te wano neun tusingizyutu pirkano an yakka, neun itak epakasnu yakka wen nankor.)

1. a=utari opitta uneno a=ye easkay kuni p

sine mosir un itak ye kur epirka rapok ta, oya mosir un itak ye kur anak ne itak ponno ka erampewtek hi kusu esirkirap yak wen. pirka itak anakne, a=utari opitta uneno a=ye easkay kuni p ne ruwe ne.

Esuperanto nep ka wen hi isam sekor anak somo ci=ye korka, newaanpe or ta iyotta pirka itak ne sekor yaynu=as.

2. a=utari opitta uneno a=eraman easkay kuni p

sine mosir un itak eraman rusuy pe anakne, ne mosir oruspe ka puri ka poronno eraman yak easir pirka. eigo eraman rusuy kur ne yakun, Amerika oruspe neya Igrisu oruspe neya pirkano eraman kuni p ne. rapok ta, Esuperanto sine mosir un itak ka somo ne kusu, neno an oruspe isam.

a=utari opitta uneno a=eraman easkay kuni p ne, sekor yaynu=as.

3. isaykano a=eraman easkay kuni p

oya mosir un itak hokampa p ne ruwe ne. neun a=epakasnu yakka erampewtek utar poronno oka nankor. rapok ta, Esuperanto isayka itak ne kusu, yaykata pirkano a=eraman easkay pe ne. oya mosir un itak a=epakasnu hi etoko ta, Esuperanto eraman yak pirka sekor ye utar ka oka.

Esuperanto isaykano a=eraman easkay kuni p ne sekor yaynu=as.

4. yay-itak tup akkari a=eraman hi

Esuperanto ye utar opitta, neun poka yay-itak tup akkari eraman pe ne ruwe ne. utari ukoytak easkay kuni pakno oya itak eraman pe ne. iki ayne, ne kur pawetok kur ne wa, uwosuwos usa okay pe eraman nankor.

yay-itak tup akkari a=eraman yak pirka p ne. ne hi oro ta Esuperanto anakne iyotta pirka itak ne, sekor yaynu=as.

5. inan itak ne yakka a=eyam hi

usa oka mosir un utar anakne, kor itak sinna hi kusu a=okpare yak wen. Esuperanto ye utar or ta, inan itak ne yakka, hempak utar kor itak ne yakka, ney ta ye itak ne yakka, opitta a=eyam kuni p ne ruwe ne. ene yaynu=an yakne, kor itak sinna kusu a=i=okpare ka somo ki.

usa oka kampi ka ta "inan itak ka a=eyam pe ne" sekor a=nuye wa an korka, anpe anakne inne utar kor itak ye kur patek epirka wa an ruwe ne. Esuperanto an yak usa oka itak naa a=eyam, sekor yaynu=as.

6. utar kor itak poronno an hi

usa oka mosir un seihi anakne, utar kor itak poronno an yak ukoysoytak=an niwkes kusu wen sekor yaynu nankor. korka, Esuperanto ye utar or ta, kor itak poronno an hi sino pirka ruwe ne. usa oka itak anakne sinep pishnokamuy koraci an pe ne wa, opitta a=eyam kuni p ne.

isaykano ukoysoytak=an easkay sekor a=ye kor, poronno an itak utar somo a=eyam kuni seisaku sanke yakun, itak poroser isam nankor. inne itak turano oka=as kuni Esuperanto un=kasuy wa un=kore, sekor yaynu=as.

7. nen ne yakka somo esirkirap no ye easkay hi

inan itak ne yakka, eraman utar anak ukoysoytak easkay korka, erampewtek utar anak eaykap. newaanpe ewen utar ka poronno an. Esuperanto anakne, inan mosir ta ne yakka a=ye easkay kuni a=kar pe ne wa, nen ne yakka kor itak ka kor puri ka somo osurpa no ukoysoytak easkay ruwe ne. tapne kane, a=utari anakne "zinrui uwekarpa" or un iyorot=an easkay ruwe ne.

ne uwekarpa or ta, sine mosir or ta a=ye itak tup ka rep ka ani patek ukoysoytak=an yak wen. Esuperanto ani, nen ne yakka somo esirkirap no ukoysoytak easkay, sekor yaynu=as.

HOKKAJDA ESPERANTO-LIGO

Retâ-Kêsu No.45 Sapporo-Eru-puraza-2kai Simin-Katudô-sapôto-Sentâ Sapporo-si Kitaku-ku Kita8z yô Nisi3tyôme Hokkaidô 060-0808

tel./fax +81-(0)144-58 2174

<hokkaido_esp_ligo@yahoo.co.jp>

<http://www5d.biglobe.ne.jp/~hel/index.htm>



プラハ オロ タ チェ イタク

- ウサ モシリ ウン ウタラ ウコイタク パ クニ アカラ イタク "エスペラント" マカナク アン ヤ カ、 エチヌレ プ
ネ ルウエ ネ。 -

オリバク トウラノ ネ ヤッカ チェ ルウエ ネ。

チュタリ アナクネ、 エスペラント イェ ウタラ ナア ポロンノ アン クニ、 ウサ モシリ タ ウサ オカ
イ ペ チキ オアシ ハウエ タパン ナ。 テ タ チェ ヒ ウサ モシリ ウン 政府 オロ ウン ウタラ ネヤ
国際組織 ウン ウタラ ネヤ オピッタ ビリカノ チヌレ カ キ、 テ タ チェ ヒ ネン ボカ アン アイネノ
アン クニ チャリキキ カ キ クス ネ。 ラボク タ、 ウサ オカ ウタラ チュタリ トウラノ アリキキ ワ
ンコレ クニ チニスク クス ネ。

エスペラント アナクネ、 1887 パ タ アカラ イタク ("アナムケ エアシカイ クニ イタク") ネ ワ、 ネワアンペ
アニ ウサ モシリ ウン ウタラ ウコイタク エアシカイ クニ アラム イタク ネ ルウエ ネ。 オカケ タ、 エスペラ
ント イタク イペヘ ナア ポロンノ ビリカノ オカ ワ、 タネ 1 世紀 アツカリ ウトウル タ、 ウサ オカ イタク イェ
ウタラ カ ウサ オカ プリ コロ ウタラ カ、 アニ エトコ トウイバカ ソモ キ ノ ウコイタク アルウエ ネ。 エ
スペラント イェ ウタラ ネノ イラウエ ヒ アナクネ、 タネ ネ ヤッカ ウネノ アン クニ チラム。 ネン ネ ヤッカ オ
ヤ イタク アニ ウエンテ カ ソモ キ ノ、 ビリカノ ウコイタク エアシカイ クニネ、 シネ イタク オロ タ チキル
スイ ヒ エネ オカ ヒ; (ネワアンペ アナクネ、 イナン モシリ ウン イタク ネ ヤッカ ウエン クニ チラム。 テ ワノ
ネウン 通信技術 ビリカノ アン ヤッカ、 ネウン イタク エバカシヌ ヤッカ ウエン ナンコロ。

1. アウタリ オピッタ ウネノ アイェ エアシカイ クニ プ
シネ モシリ ウン イタク イェ クル エピリカ ラボク
タ、 オヤ モシリ ウン イタク イェ クル アナク ネ イタク
ポンノ カ エラムベウテク ヒ クス エシリキラフ[°] ヤク ウ
エン。 ビリカ イタク アナクネ、 アウタリ オピッタ ウネ
ノ アイェ エアシカイ クニ プ[°] ネ ルウエ ネ。

**エスペラント ネット カ ウエン ヒ イサム セコロ ア
ナク ソモ チェ コロカ、ネワアンペ オロ タ イヨツ
タ ビリカ イタク ネ セコロ ヤイヌアシ。**

2. アウタリ オピッタ ウネノ アエラマン エアシカイ クニ
プ[°]

シネ モシリ ウン イタク エラマン ルスイ ペ アナクネ、
ネ モシリ オルシベ カ プリ カ ポロンノ エラマン ヤク エ
アシリ ビリカ。 英語 エラマン ルスイ クル ネ ヤク、
アメリカ オルシベ ネヤ イギリス オルシベ ネヤ ビリカノ
エラマン クニ プ[°] ネ。 ラボク タ、 エスペラント シネ
モシリ ウン イタク カ ソモ ネ クス、 ネノ アン オルシベ
イサム。

**アウタリ オピッタ ウネノ アエラマン エアシカイ ク
ニ プ[°] ネ、 セコロ ヤイヌアシ。**

3. イサイカノ アエラマン エアシカイ クニ プ[°]

オヤ モシリ ウン イタク ホカムバ プ[°] ネ ルウエ ネ。
ネウン アエバカシヌ ヤッカ エラムベウテク ウタラ ポロン
ノ オカ ナンコロ。 ラボク タ、 エスペラント イサイカ イ
タク ネ クス、 ヤイカタ ビリカノ アエラマン エアシカイ
ベネ。 オヤ モシリ ウン イタク アエバカシヌ ヒ エトコ
タ、 エスペラント エラマン ヤク ビリカ セコロ イェ ウタ
ラ カ オカ。

**エスペラント イサイカノ アエラマン エアシカイ ク
ニ プ[°] ネ セコロ ヤイヌアシ。**

4. ヤイタク トウフ[°] アツカリ アエラマン ヒ

エスペラント イェ ウタラ オピッタ、 ネウン ボカ ヤイ
タク トウフ[°] アツカリ エラマン ベネ ルウエ ネ。 ウタ
リ ウコイタク エアシカイ クニ バクノ オヤ イタク エラマ
ン ベネ。 イキ アイネ、 ネ クル バウエトク クル ネ
ワ、 ウウオスウオシ ウサ オカイ ペ エラマン ナンコロ。

**ヤイタク トウフ[°] アツカリ アエラマン ヤク ビリカ
フ[°] ネ。 ネ ヒ オロ タ エスペラント アナクネ イヨ
ツタ ビリカ イタク ネ、 セコロ ヤイヌアシ。**

5. イナン イタク ネ ヤッカ アエヤム ヒ

ウサ オカ モシリ ウン ウタラ アナクネ、 コロ イタク シ
ンナ ヒ クス アオクバレ ヤク ウエン。 エスペラント イェ
ウタラ オロ タ、 イナン イタク ネ ヤッカ、 ヘムバク ウタ
ラ コロ イタク ネ ヤッカ、 ネイ タ イェ イタク ネ ヤッ
カ、 オピッタ アエヤム クニ プ[°] ネ ルウエ ネ。 エネ ヤ
イヌアン ヤクネ、 コロ イタク シンナ クス アイオクバレ
カ ソモ キ。

**ウサ オカ カムビ カ タ "イナン イタク カ アエヤム
ベネ" セコロ アヌイェ ワ アン コロカ、 アンペ アナ
クネ インネ ウタラ コロ イタク イェ クル バテク エ
ピリカ ワ アン ルウエ ネ。 エスペラント アン ヤク ウ
サ オカ イタク ナア アエヤム、 セコロ ヤイヌアシ。**

6. ウタラ コロ イタク ポロンノ アン ヒ

ウサ オカ モシリ ウン 政府 アナクネ、 ウタラ コロ イ
タク ポロンノ アン ヤク ウコイソイタクニ ニウケシ クス
ウエン セコロ ヤイヌ ナンコロ。 コロカ、 エスペラント イェ
ウタラ オロ タ、 コロ イタク ポロンノ アン ヒ シノ ビリ
カ ルウエ ネ。 ウサ オカ イタク アナクネ シネフ[°] ピシ
ノカムイ コラチ アン ベネ ワ、 オピッタ アエヤム クニ
プ[°] ネ。

**イサイカノ ウコイソイタクニ エアシカイ セコロ アイ
エ コロ、 ポロンノ アン イタク ウタラ ソモ アエヤム
クニ 政策 サンケ ヤク、 イタク ポロセレ イサム ナ
ンコロ。 インネ イタク トウラノ オカアシ クニ エスベ
ラント ウンカスイ ワ ウンコレ、 セコロ ヤイヌアシ。**

7. ネン ネ ヤッカ ソモ エシリキラフ[°] ノ イェ エアシカイ
ヒ

イナン イタク ネ ヤッカ、 エラマン ウタラ アナク ウコ
イソイタク エアシカイ コロカ、 エラムベウテク ウタラ ア
ナク エアイカフ[°]。 ネワアンペ エウエン ウタラ カ ポロ
ンノ アン。 エスペラント アナクネ、 イナン モシリ タ
ネ ヤッカ アイェ エアシカイ クニ アカラ ベネ ワ、 ネン
ネ ヤッカ コロ イタク カ コロ プリ カ ソモ オスルバノ ウ
コイソイタク エアシカイ ルウエ ネ。 タフ[°] ネ カネ、 アウ
タリ アナクネ "人類 ウウエカラバ" オロ ウン イヨロタン
エアシカイ ルウエ ネ。

**ネ ウウエカラバ オロ タ、 シネ モシリ オロ タ アイ
エ イタク トウフ[°] カ レフ[°] カ アニ バテク ウコイ
ソイタクニ ヤク ウエン。 エスペラント アニ、 ネン
ネ ヤッカ ソモ エシリキラフ[°] ノ ウコイソイタク エアシ
カイ、 セコロ ヤイヌアシ。**

HOKKAJDA ESPERANTO-LIGO

Retá-Késu No.45 Sapporo-Eru-puraza-2kai Simin-Katudô-sapôto-Sentá

Sapporo-si Kitaku-ku Kita8zyô Nisi3tyôme Hokkaidô 060-0808

tel./fax +81-(0)144-58 2174

<hokkaido_esp_ligo@yahoo.co.jp>

